



थारु भाषाके 'क' वर्गके राष्ट्रिय दैनिक

भाषा, संस्कृति ओ समाचारमूलक पत्रिका

पहुरा



PAHURA
NATIONAL DAILY

विवाह पवित्र बन्धन हो,
विवाहलाई लेनदेनको विषय
नबनाओ,
विवाहमा दाईजो लिने र दिने
काम नगरौं,
दाईजोका कारण हुने हिंसा
अन्त्य गरौं ।



नेपाल सरकार
विज्ञापन बोर्ड

वर्ष २४ अंक ०३ वि.सं. २०८३ सावन ०३ गते अटवर थारु सम्वत (२६४९)

[Sunday 19 July 2026]

(मोल रु. ५ | - पेज ४)

२६ औं मुक्तकमैया दिवस

राज्य मुक्तकमैयाहुकनहे सौटेली व्यवहार करल

कृष्णसारके सङ्ख्यामे
साढे सात गुणासे बहलै



पहुरा समाचारदाता
धनगढी २ सावन । मुक्त कमैयाहुकने शनिच्चरके रोज २६औं मुक्ती दिवस मनैले बटै ।

मुक्तकमैया समाज कैलालीके आयोजनासे धनगढी उपमहानगरपालिका नगर अध्यक्ष राम प्रसाद चौधरीके अध्यक्षतामे हुइल कार्यक्रम निवर्तमान भुमि व्यवस्था तथा कृषि सहकारी मन्त्री विरबहादुर थापा प्रमुख अतिथि रहल रहित ।

कार्यक्रममे उहाँ मुक्तकमैयाहुकनहे पुनर्स्थापना कैना अन्तिम विकल्प जहाँ बैठल बटै, उहे ठाउँके लालपुर्जा डेहे पना बटैले । मुक्तकमैया, कमलरीहुकनहे

पुनर्स्थापना करेक लाग प्रदेश सरकार प्रयास करल बटैले ।

मुक्तकमैया समाजके केन्द्रीय अध्यक्ष पशुपति चौधरी मुक्तकमैयाहुकनहे पुनर्स्थापना कैनामे वेवास्ता करल बटैले । लालपुर्जा नैपैलक मुक्तकमैयाहुकन दोजर आतन्तकमे परल बटैले ।

मुक्तकमैया रलक जिल्लामे अभिन २ हजार ३ सय ७५ जाने अभिन पुनर्स्थापनाके असरामे बैठल बटै । मुक्त कमैया समाजके तथ्याडक अनुसार कञ्चनपुरसे दाङ जिल्लामे ओटरा मुक्त कमैया अभिन पुनर्स्थापनाके असरामे बैठल हुइत ।

२०५७ साल सावन २ गते कमैया मुक्ती घोषणा करल रहे । जौन अब्बे २५ बरस वितल मने सुदूरपश्चिम प्रदेश अभिनसम अभिनसम १ हजार ८२ जाने मुक्तकमैयाहुकन परिचय पाक पुनर्स्थापनासे बञ्चित रहल मुक्तकमैया समाज जनैले ।

समाजके केन्द्रीय अध्यक्ष पशुपति चौधरीके अनुसार कैलाली जिल्लामे ९ हजार ७६२ मुक्तकमैया रहलमे ८ हजार ९७५ जनहनहे परिचयपत्र देहलमे मने जग्गा पाइल मुक्तकमैयाभर ८ हजार २२ जाने केह्ल रहल बाट ।

वसहेक कञ्चनपुरमे ४ हजार ५०६ जाने मुक्तकमैया रहलमे ४ हजार ४१८

जनहनहे परिचयपत्र डेहल बा, ओम्नसे जग्गा पाइल मुक्तकमैया ४ हजार २८९ केल रहल बाटै । चार सय मुक्तकमैयाहे आकाशे कित्ता, १७३ जनहनके मुक्तकमैयाके तथ्याडकसे हटाइल बा ।

कलेसे कैलालीमे ९५३ ओ कञ्चनपुरमे १२९ जाने, दाङमे ४८ जाने पुनर्स्थापना बाँकी बाटै । बर्दियामे सबसे ढेर १२ सय ४५ जाने मुक्तकमैया पुनर्स्थापनासे बञ्चित केन्द्रीय अध्यक्ष बटैले ।

कमैया प्रथा उन्मूलन समाजके अध्यक्ष सीताराम चौधरी अपन कमैया मुक्ती तथा पुनर्स्थापनाके लाग नम्मा समयसम आन्दोलन करल मने अपने न जग्गा, परिचयपत्र पाइल बटैले ।

कार्यक्रममे बार एशोसियसन कैलालीके अध्यक्ष नाथुराम महताँ, राष्ट्रिय मानव अधिकार आयोगके प्रकास दत्त भट्ट, मुक्तकमैया समाजके प्रदेश अध्यक्ष, चन्द्र चौधरी, इन्सेकके प्रतिनिधि मैनामोती, गैसस महासंघ कैलालीके सचिव नरेश ओझा, याक नेपालके पवित्रा भट्ट, वाल संरक्षण समाजके अध्यक्ष हिरामोती चौधरीलगायत मन्तव्य राखल रहित । कार्यक्रमके संचालन बुद्धिराम चौधरी करल रहित ।

मुक्तकमैया दिवस कैलाली जिल्लाके दुई पालिका बाहेक ११ पालिका ओ कञ्चनपुरमे कमैया मुक्ती दिवस मनागिल बा ।



पहुरा समाचारदाता

धनगढी, २ सावन । सुदूरपश्चिम प्रदेशके प्रमुख पर्यटन गन्तव्य शुक्लाफाँटा राष्ट्रिय निकुञ्जमे दुर्लभ कृष्णसारके सङ्ख्यामे बहल बा ।

स्थानान्तरण करके ल्याइल संरक्षण करल छोट समयमे कृष्णसारके सङ्ख्यामे साढे सात गुणासे बहल हो । कृष्णसार व्यवस्थापनके लग निर्धारण करल क्षेत्रके तुलनामे सङ्ख्या ढेर हुइलपाछे व्यवस्थापन, संरक्षण लगायत समस्या हुइल बा ।

निकुञ्ज कार्यालयके अनुसार ४२ से इ निकुञ्जमे हाल ३१३ ठो कृष्णसार पुगसेकल बटै । वयस्क भाले ८१, अर्ध वयस्क भाले २०, वयस्क पोथी १०२, अर्ध वयस्क पोथी २६ ओ बच्चा ८४ ठो रहल जनैले बा । सन २०१२ मे टमान स्थानसे ल्याइल ४२ ठो कृष्णसार ओ मैदानमे छोडल रहे ।

१९६० के दशकमे शुक्लाफाँटाके

हिरापुर क्षेत्रमे कृष्णसार देखा परलके स्थानीयके कहइहे आधार मान्के यहाँ कृष्णसार बाँच्न सेक्ना निष्कर्ष निकरल रहे ।

ओकरपाछे सदर चिडियाखानासे बा ओ नेपालगञ्ज मिनी चिडियाखानासे २२ करके पहिल पटक २८ ठो कृष्णसार हिरापुरमे ल्याइल छोडल रहे । २०१५ मे बर्दियाके खैरापुरसे थप १४ ठो कृष्णसार शुक्लाफाँटामे स्थानान्तरण करल रहे ।

अबबे सङ्ख्या ढेर हुइल व्यवस्थापनमे समस्या हुइल रहल निकुञ्जके सूचना अधिकारी सहायक संरक्षण अधिकृत पुरुषोत्तम वाग्ले बटैले । “क्षेत्र साँकिर हुइटी बा”, उहाँ कहलै ।

वाग्लेके अनुसार एक ठो क्षेत्रके कृष्णसारबिच ‘ब्रिडिङ’ हुइलमे उहाँहुकनके ‘जिन’ (बाँकी ३ पेजमे)

धनगढी उपमहानगरपालिकासे ऐश्वर्य विद्या निकेतन परिसरमे वृक्षारोपण



पहुरा समाचारदाता
धनगढी, २ सावन । धनगढी उपमहानगरपालिकासे सञ्चालन हुइटी रहल विद्यालय वृक्षारोपण कार्यक्रम अन्तर्गत वडा नं. ५ स्थित ऐश्वर्य विद्या निकेतन विद्यालयके प्राङ्गणमे २४ ठो बोटबिरुवा टिगाई सहित लगाइल बा ।

कार्यक्रम अन्तर्गत विद्यालय क्षेत्रहे हरियाली, स्वच्छ, शितलता ओ वातावरणमैत्री बनैना उद्देश्य राखल बा ।

वृक्षारोपणसंगे बिरुवाके संरक्षणके लाग टिगाई प्रयोग करल उपमहानगरपालिकासे जनैले बा । यी अभियानसे विद्यार्थीमे वातावरण संरक्षणप्रति सचेतना अभिवृद्धि कैना अपेक्षा समेत करल बा ।

धनगढी उपमहानगरपालिका वडा नं. ८ मे रह धनगढी नमुना प्राविधिक विद्यालयके प्राङ्गणमे ७२ ठो बोटबिरुवा टिगाई सहित (बाँकी, ३ पेजमे)

सुदूरपश्चिम प्रदेशको अत्याधुनिक सुविधा सम्पन्न

निसर्ग हस्पिटल
एण्ड रिसर्च सेन्टर प्रा.लि.

विशेषज्ञ डाक्टर तथा ओ.पि.डी सेवाहरू

जनरल फिजिसियन (पेट, शरीर, मुटु) रोग विशेषज्ञ	रेडियोलोजी विशेषज्ञ	न्युरो, मेडिक्ल, नशा तथा मेरूदण्ड रोग विशेषज्ञ	हाडजोर्नी तथा स्पोर्ट्स फिजियोथेरापिस्ट
हाडजोर्नी तथा नशरोग विशेषज्ञ	जनरल तथा ल्याप्रोस्कोपिक सर्जन	स्त्री तथा प्रसूति रोग विशेषज्ञ	नवजात शिशु तथा बालरोग विशेषज्ञ
ताक, कान, घाँटी तथा थाइरोइड रोग विशेषज्ञ	एनेस्थेसिया तथा क्रिटिकल केयर विशेषज्ञ	मुख, अनुहार तथा बङ्गरा विशेषज्ञ	मानसिक तथा नशा रोग विशेषज्ञ
छाला, यौन, कुष्ठरोग तथा सौन्दर्य विशेषज्ञ	मृगौला तथा मुत्ररोग विशेषज्ञ	मुटु रोग विशेषज्ञ	

Hasanpur, Dhangadhi-5, Kailali, Nepal

091-527000/01/02, 9865680100, 9804600745

www.nisargahospitalnepal.com / nisargahospitalnepal

कमैया मुक्तिके २६ बरस : समस्या जहाँके टहीं

पहुरा समाचारदाता

धनगढी, २ सावन । कैलालीके गोदावरी नगरपालिका-१ विजयपुर शिविरके २२ मुक्तकमैया परिवार दुई दशकआधे एकठो लावा जीवनके सपना देखल रहिह ।

सरकारसे कमैया मुक्तिके घोषणा करलसँगे अपने घर, अपने जमिन ओ सम्मानजनक जीवन पैना उहाँहुकनके विश्वास रहे ।

सरकारसे उहाँहुकनहे जग्गाके लालपुजा फेन डेहल, मने ओकर श्रेस्ता कायम नैहुइल । ओइनसे यहाँर मालपोत कार्यालय जाइत जाइत वर्षौ बितल, समस्या भर जहाँके टहीं बा । “पुजा बा, मने श्रेस्ता नैहो । ओहेमारे आपन जग्गा डेखाके कौनो काम करे पाइल नैहुइटी ।”, मुक्तकमैया फूलमति डगौरा थारु कहली, “हमार किल नैहोके, अइसीन समस्या ढेर ठाउँमे बावै ।”

फूलमतिके कथा एकठो परिवारके किल नैहो । कमैया मुक्तिके २६ बरस पूरा हुइलेसे फेन सयौं मुक्तकमैया परिवार आभिन पुनःस्थापनाके टमान समस्या भोगटी रहल बटै । कतिपयसँगे परिचयपत्र बा, मने पुनःस्थापनामे समेटल नैहो । कतिपयसँगे लालपुजा बा, मने श्रेस्ता नैहो । कतिपय पाइल जग्गा डुबान ओ लडिया कटानके जोखिममे रहल बा ।

इहे समस्या समाधानके गति आर्थिक वर्ष २०७५/७६ पाछे भन्नु सुस्त बनल उहाँहुकनके गुनासो रहल बा । कारण अक्केठो डेखाजाइत, विसं २०७५ पाछे संघीय संरचनाअनुसार पुनःस्थापनाके अन्तिम जिम्मेवारी केकर हो कना अन्योल ।

“संघसे जिम्मेवारी प्रदेश ओ स्थानीय तहहे डेहल बटाइत । प्रदेशसे स्पष्ट रूपमे आपन दायित्व नैमानत । स्थानीय तहसँगे न बजेट हो, न जग्गा वितरण कैना अधिकार”, मुक्तकमैया अधिकारकर्मी पशुपति चौधरी कहलै, “तीन तहबीच जिम्मेवारी स्पष्ट नैहोके पुनःस्थापनाके बाँकी काम लगभग ठप्प हुइल बा ।”

ऐतिहासिक उपलब्धि

विसं २०५७ सावन २ गते नेपाल सरकारसे अनुचित ऋण (सौकी) मिनाहासहित कमैया मुक्तिके घोषणा कैटी बंधुवा श्रम अन्त्यओर ऐतिहासिक कदम चालल रहे । ओकर एक बरसपाछे जारी कमैया श्रम (निवेध) ऐन, २०५८ से बंधुवा श्रमहे कानुनी रूपमे पूर्ण प्रतिबन्ध लगाइल ।

कमैयाउपरके सक्कु ऋण मिनाहा करगैल । पुरान लिखत ओ सम्भौता स्वतःअमान्य हुइल । सरकारसे पुनःस्थापनाके लाग घर, जमिन, नगद सहायता ओ सीप विकास कार्यक्रम सञ्चालन करल । सरकारी तथ्याङ्कअनुसार दाङ, बाँके, बर्दिया, कैलाली ओ कञ्चनपुरके ३२ हजार ५०९ परिवारहे परिचयपत्र वितरण करल रहे । उ मध्ये पुनःस्थापनायोग्य ठहरल २७ हजार ५७० परिवारमध्ये २७ हजार २१ परिवार घर वा जग्गा प्राप्त करले बटै । २०७५/७६ सम १९ हजार ५३१ जाने टमान सीप तालिम फेन लेले बटै । “इहीसे हजारौं परिवारके

जीवन बडलल । काल्ह बंधुवा श्रमिक रहल आज व्यवसायी, जनप्रतिनिधि ओ सामाजिक नेतृत्वमे पुगल बटै”, अधिवक्ता बालाराम भट्टराई कहलै, “मने बाँकी रहल समस्या समाधान नैकरेबर इहे उपलब्धिउपर प्रश्न उठ्ठी रहल बा ।”

उपलब्धिके चित्र ओ अदूरा यथार्थ
सरकारी अभिलेखसे अधिकांश पुनःस्थापनाके काम सम्पन्न हुइल डेखाइत । सरकारी तथ्याङ्कअनुसार दाङ, बाँके ओ कञ्चनपुरमे पुनःस्थापनाके काम लगभग ओराइल बा । बर्दियामे कुछ परिवार स्थानीय तहहे हस्तान्तरण करल बावै कलेसे कैलालीमे फेन अधिकांश काम सम्पन्न हुइल दाबी करल बा ।

सरकारी तथ्याङ्कअनुसार उहीसे आधे दाङ, बाँके, बर्दिया, कैलाली ओ कञ्चनपुरके ३२ हजार ५०९ मुक्तकमैया परिवारहे परिचयपत्र वितरण करल रहे । उ मध्ये पुनःस्थापनायोग्य मानल क ओ ख वर्गके २७ हजार ५७० परिवारमध्ये २७ हजार २१ परिवार घर तथा जमिनके सुविधा पासेकल बटै ।

बर्दियामे ३० ओ कैलालीमे २७० सहित ३०० परिवारके काम किल स्थानीय तहमे हस्तान्तरण करल अभिलेख रहल बा । मुक्तकमैया समाजके तथ्याङ्कसे फरक तस्वीर डेखाइत ।

समाजके अनुसार पुनःस्थापना योग्य ठहरल परिवारमध्ये फेन सक्कुजाने जग्गा पाइल नैहुइत । जमिन पैना योग्य ठहराइल २७ हजार ५७० कमैया परिवारमध्ये केवल २५ हजार १९५ अर्थात् ९१ प्रतिशत किल जमिन पैले बटै । यम्ने फेन ६६१ परिवार अनुपयुक्त जग्गा पैले बटै । चार हजार ४६३ परिवार परिचयपत्र पाइल नैहुइत ।

परिचयपत्र पाके फेन पुनःस्थापना प्याकेज नैपडइया चार सय ६३ परिवार बटै । १७३ परिवारके प्रमाणपत्र बदर करल बा । “यकर अर्थ सक्कु प्रमाण साथमे होके फेन नौ प्रतिशत मुक्तकमैया जमिन प्राप्त कैनासे बञ्चित हुइ पुगल बटै । अफ, परिचयपत्र पैना योग्य सक्कु निस्सा साथमे रहल कमैया परिवारके संख्या फेन उल्लेख्य बा”, समाजके कैलाली अध्यक्ष चन्द्रप्रसाद चौधरी कहलै, “अक्के मापदण्ड पूरा करल परिवारमध्ये कोइ सक्कु सुविधा पैना ओ कोइ कुछ फेन नैपैना अवस्था न्यायसङ्गत हुइ नैसेकी ।”

२०७५ पाछे काहे रुकल गति
मुक्तकमैया पुनःस्थापनाके अधिकांश कार्यक्रम आर्थिक बरस २०७५/७६ सम सञ्चालन हुइल । ओकरपाछे कार्यक्रम करिब निष्क्रिय बन्टी गैल बावै । राष्ट्रिय दलित नेटवर्कके कार्यकारी निर्देशक हुकुम सार्कीके अनुसार पर्याप्त बजेट रहटी रहटी फेन पुनःस्थापनाके काम स्थानीय तहमे सर्ना निर्णय करगैल, मने ओकर लाग न योजना बनागैल, न आवश्यक तयारी ।

“२०७५/७६ सालके बजेटमे राज्यसे फण्डे पौने तीन खर्ब बरोबरके रकम पुनःस्थापनाके लाग छुट्ट्यागैल, उहीहे कार्यान्वयन कैनाके सट्टा

बिनापूर्वतयारी मुक्तकमैयालगायतके सक्कु काम मूलतः ओरागैल आब बाँकी रहल बचल काम स्थानीय तहसे कैना कहिके एकाएक घोषणा करगैल ।

उहे समयसे समस्या समाधानके गति ठप्प हुइल बा”, उहाँ कहलै । मुक्तकमैया, कम्लरी, हलिया ओ हरवाचरवावाके वस्तुस्थिति अध्ययन समितिके प्रतिवेदन, २०७८ से फेन उहे निष्कर्ष निकरले बा ।

उक्त प्रतिवेदनमे कहल बा, “पुनःस्थापनाके काम ओराइल अप्रत्याशित घोषणापाछे उ बरसके बाँकी बजेट फेन कार्यान्वयन हुइ नैसेकके अधिकांश स्थानमे फ्रिज हुइल । अइसीक पुनःस्थापनाकार्यके लाग पर्याप्त बजेट रहल बेला कमैया, हलिया, कम्लरी पुनःस्थापनाकार्य सम्पन्न कैना एक अमूल्य अवसर गुमल ।”

सघ सरकारसे जिम्मेवारी प्रदेश ओ स्थानीय तहमे गैल बटैटी आइल बा । तथापि, पुनःस्थापना, सीप विकास ओ जीविकोपार्जनके क्षेत्रमे सघीय सरकारके प्रतिनिधिके रूपमे स्थानीयस्तरमे सहजीकरणके काम हुइटी रहल कैलालीके प्रमुख जिल्ला अधिकारी हिरालाल रेग्मीके कहाइ रहल बा ।

“हम्रे मुक्तकमैया क्षेत्रमे क्रियाशील सघ संस्थाके व्यक्ति ओ अधिकारकर्मीके गुनासाअनुसार केन्द्र सरकारहे डेहे पर्ना सुझाव डेटी रहल बटी । क्षेत्रगत जिम्मेवारीअनुसार दायित्व निर्वाह करे परत”, उहाँ कहलै । सुदूरपश्चिम प्रदेश सरकारसे भर स्रोत ओ नीतिगत अन्योलताकाबीच अपने कार्यविधिसे काम करटी रहल जनाइल बा ।

भूमि व्यवस्था, कृषि तथा सहकारी मन्त्रालयके सचिव शंकर साहके अनुसार प्रदेश सरकारसे विकास साभेदारसँगे सहकार्यमे कञ्चनपुरमे ५० घर निर्माण करसेकल बा ओ जीविकोपार्जन तथा तालिमके कार्यक्रम फेन सञ्चालन करटी रहल बा ।

उहाँ कहलै, “स्रोतसाधनलगायत कुछ नीतिगत अन्योलता बावै, मने हम्रे अन्य विकास साभेदारसँगे सहकार्य कैके पुनःस्थापनाके काम करटी रहल बटी । आर्थिक बरस २०८२/८३मे किल विकास विकास साभेदारसँगे सहकार्यमे कञ्चनपुरके शुक्लाफाँटा ओ बेलौरीमे ५० घर निर्माण करले बटी ।

इ बरस फेन उहीहे निरन्तरता डेटी थप घर बनैना योजना रहल बा । तालिम तथा जीविकोपार्जनके काममे फेन हम्रे सहयोग करटी रहल बटी ।” केन्द्र ओ प्रदेश सरकारसे ढेर जैसिन दायित्व स्थानीय तहमे हस्तान्तरण करले बा, मने स्थानीय तहके अपने बाध्यता बावै । “हमारसँगे न पर्याप्त बजेट हो, न जग्गा वितरण कैना कानुनी अधिकार”, जानकी गाउँपालिकाके अध्यक्ष गणेश चौधरी कहलै, “केन्द्र सरकारसे मुक्तकमैयाहे अन्य भूमिहीनसरह ठानके काम करेबर समस्या डेखल हो । विशेष कार्यक्रममार्फत समस्या समाधान कैना आवश्यक बा ।”

हाल मुख्य कैके तीन बरवार चुनौती बावै । परिचयपत्र होके फेन पुनःस्थापना प्याकेज नैपाइल, लालपुजा

होके फेन श्रेस्ता कायम करल ओ डुबान, लडिया कटान वा अनुपयुक्त स्थानमे जग्गा पाइल परिवारके समस्या सम्बोधन ।

यकर लाग तीन तहके सरकारबीच स्पष्ट जिम्मेवारी बाँडफाँट ओ विशेष संयन्त्र आवश्यक रहल अधिकारकर्मीके कहाइ रहल बा । “मुक्तिके घोषणा कैना राज्यसे पुनःस्थापनाके अन्तिम जिम्मेवारी फेन स्पष्ट करे परल”, अधिकारकर्मी चौधरी कहलै, “यकर लाग छुट्टे आयोग वा अधिकार सम्पन्न संयन्त्र आवश्यक बा ।”

अधिवक्ता भट्टराई फेन अधिकांश काम सम्पन्न होसेकल ओरसे बाँकी रहल परिवारके समस्या समाधान कैना ढिलाइ नैकरे पर्ना बटैटै । “अधिकांश काम सम्पन्न होसेकल बावै । ओकर लाग सरकारहे सक्कु जाने धन्यवाद डेटी रहल बटै, मने कम हुइलेसे फेन जे अधिकार नैपैले हुइत, उहाँहुके टे राज्यसँगे असन्तुष्ट हुइना हुइलै ओहेमारे उहीहे सम्बोधन कैना ढिलाइ नैकरे परल ।”

मुक्तकमैया डगौरा कहलै आभिन अक्के अपेक्षामे रहल बटै । “हम्रहीनहे एकदम माग ओ गुनासा रखटी रहना मन नैहो”, उहाँ कहलै, “हमार पुजा ओ श्रेस्ता मिला डेलेसे पुगत् । राज्यसे मुक्त घोषणा करल जस्टेओरैक समस्या फेन समाधान करे परल । ओकरपाछे हम्रे फेन ओरै नागरिकसरह अपने जीवन आधे बहाइ सेकब ।”

कमैया आन्दोलनसे नेपालसे बंधुवा श्रम कानुनी रूपमे अन्त्य करल, मने पुनःस्थापनाके अन्तिम चरणमे आके जिम्मेवारी बाँडफाँटसे नयाँ चुनौती जन्माइल डेखाइत । ओहेमारे अब्बेक बहस मुक्तिके नैहो, अदूरा पुनःस्थापनाके अन्त्य कैसिक कैन कनामे केन्द्रित रहल बा ।

आब समस्या बाँकी नैहो कना सरकारी दाबी ओ समस्या आभिन बा कना मुक्तकमैयाके तथ्याङ्कबिचके वास्तविकता खोजी समस्या समाधान जोड डेना आवश्यक रहल अधिकारकर्मीके मत रहल बा ।

२६ औं कमैया मुक्ति दिवसमे १३ जाने योगदानकतहि सम्मान



पहुरा समाचारदाता

टिकापुर, २ सावन । २६ औं कमैया मुक्ति दिवसके अवसरमे कैलालीके टिकापुर नगरपालिका-१ शक्तिनगरमे शिवनगर, चमेलीपुर ओ शक्तिनगरके संयुक्त आयोजनामे विविध कार्यक्रममे साथ दिवस भव्य रूपमे सम्पन्न करल बा ।

पञ्चराम चौधरी के सभाध्यक्षतमे हुइल कार्यक्रमके प्रमुख अतिथि प्रतिनिधिसभा सदस्य माननीय कोमल जवाली रहल रहिह । विशिष्ट अतिथि सुदूरपश्चिम प्रदेश सरकारके पर्यटन, वन तथा वातावरणके पूर्व मन्त्री माननीय लक्ष्मण किशोर चौधरी तथा सामाजिक विकासके पूर्व मन्त्री माननीय कैलाश चौधरी सहभागी रहिह ।

ओस्टेक करके टिकापुर नगरपालिका वडा नं. १ के वडा अध्यक्ष मोहन बि.क. लोहार, वडा नं. ४ के वडा अध्यक्ष लालबिर चौधरी वडा नं. ६ के वडा अध्यक्ष बलिराम चौधरी, कार्यपालिका सदस्य दिपक निसानी, मुक्त कमैया समाजके केन्द्रीय सचिव बल्लु चौधरी, मुक्त कमैया युवा जागरण समाजके केन्द्रीय सह सचिव चन्द्र प्रकाश चौधरी, मुक्त कमैया पुनःस्थापना समस्या समाधान आयोगके पूर्व सदस्य दिपु चौधरी, मुक्त कमैया समाजके पूर्व अध्यक्ष प्रेम चौधरी, जिल्ला उपाध्यक्ष सीता चौधरी, मुक्त कम्लहरी विकास मञ्च कैलालीके अध्यक्ष बिन्दा चौधरी, मुक्त कम्लहरी विकास मञ्चके केन्द्रीय सदस्य रम्भा चौधरी, पूर्व जिल्ला सदस्य सेम प्रसाद चौधरी, मुक्त कमैया नगर समितिके पूर्व अध्यक्ष कालवीर चौधरी, नेकपा (एमाले) नगर समिति अध्यक्ष, पत्रकार, नेपाल प्रहरी, टमान संघ-संस्थाके प्रतिनिधि तथा स्थानीय

सरोकारवालाहुकनके उल्लेखनीय उपस्थिति रहल रहे । कार्यक्रमके प्रारम्भमे कमैया मुक्ति आन्दोलनसे मुक्त कमैयाके पुनःस्थापनासम महत्वपूर्ण योगदान पुगैटी जीवन बलिदान करल शहिदप्रति एक मिनेट मौनधारण गरी श्रद्धाञ्जली अर्पण करल रहे ।

२६ औं कमैया मुक्ति दिवसको प्रतीकस्वरूप २६ ठो दीप प्रज्वलन तथा ब्यानर वाचन तथा उद्घाटन माननीय कोमल जवाली करल रहिह । कार्यक्रममे कालवीर चौधरी स्वागत मन्तव्य व्यक्त करल रहिह । कलेसे कार्यक्रमके सञ्चालन बन्धु प्रसाद चौधरी करल रहिह ।

वक्ताहुके २०५७ साल सावन २ गतेके कमैया मुक्तिके घोषणाहे नेपालके सामाजिक न्याय ओ मानव अधिकारके ऐतिहासिक उपलब्धि हुइल उल्लेख करटी मुक्त कमैया समुदायके पूर्ण पुनःस्थापना, भूमि अधिकार, शिक्षा, रोजगारी, आवास ओ सम्मानजनक जीवन सुनिश्चित कैना राज्यसे थप प्रभावकारी कदम चालेपर्नामे जोड डेहल रहे ।

यी अवसरमे कमैया मुक्ति आन्दोलन, पुनःस्थापना तथा समुदायके विकासमे उल्लेखनीय योगदान पुगइया १३ जाने योगदानकतहि सम्मानपत्रसहित सम्मान करल रहे । सम्मानित व्यक्तित्वहुकनके योगदानके उच्च मूल्याङ्कन करटी आयोजकसे ओइनके समर्पण भावी पुस्ताके लाग प्रेरणादायी रहल जनैले बा ।

कार्यक्रममे समुदायके अग्रज, युवा, महिला, जनप्रतिनिधि तथा टमान राजनीतिक दल, सञ्चारकर्मी ओ सरोकारवालाके उत्साहजनक सहभागिताबीच सम्पन्न हुइल रहे ।

पेट, छाती, मुटु तथा थाईराईड विभाग

उपचार हुने रोगहरु

- उच्च रक्तचाप, दम तथा मुटु रोगको उपचार
- सुगर (मधुमेह), थाईराईड रोगको उपचार तथा परामर्श
- मिर्गी रोग, प्यारालाइसिस (पक्षघात) तथा अन्य नशा सम्बन्धी रोगको उपचार
- छाती दुस्ते, पेट दुस्ते समस्याको उपचार
- ज्वरो आउने, टाउको दुस्ते तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)



डा. सुमन चौधरी

MBBS, MD (KU)
NMC No. 15308

कन्सल्टेन्ट फिजिसियन



धनगढी

संजिवनी अस्पताल प्रा. लि.

९ (राष्ट्र बैंक चौक, धनगढी-५) ☎ सम्पर्क नं. ०९१-५९०३२८, ९७६४२१२७२७, ९७६९९३२१०५

कृष्णसार...

कमजोर हुइटी जैना करठ । जिनके कमजोरीसे लम्बा समयसम बाँच्न गाहो हुइना करठ । ओस्टेक, सङ्ख्या वृद्धि हुइल प्राकृतिक रुप रोग बहना, खैना चिजके समस्या हुइना जनैले बा ।

शुक्लाफाँटा राष्ट्रिय निकुञ्जके हिरापुरमे ६० हेक्टर क्षेत्रफलमे तारबार करके कृष्णसार राखल बा । एक सय हेक्टरसम क्षेत्रफल हुइलमे सहज हुइल सूचना अधिकारी वाग्ले बटैले ।

उहाँसे कृष्णसारके अस्तित्व जोगाइना राखेक लग स्थानान्तरण आवश्यक रहल जनैटी अन्यत्र स्थानान्तरणके लग राष्ट्रिय निकुञ्ज

ओ वन्यजन्तु विभागसे अध्ययन करना जानकारी देलै ।

“विभागसे उपयुक्त ठाउँमे निर्णय करलपाछे उहाँ कृष्णसार स्थानान्तरण करठी”, उहा कहलै, “पर्यटनसंगे जोरके चितवनके राप्ती नगरपालिकासे फे १८ ठो लैजिना प्रक्रिया आधे बहल बा । छ महिनाभितर लैजिना बाट बा ।”

नेपालमे सन १९७० के दशकओर कृष्णसार लोप हुइसेकल अनुमान करल रहे । मने, १९७५ मे बर्दियाके खैरापुरमे कृष्णसार देखलपाछे कृष्णसार संरक्षण ओ स्थानान्तरण करके सङ्ख्या बहैना कार्यके थालनी हुइल रहे ।

धनगढी...

वक्षारोपण कार्यक्रम सम्पन्न करल बा । उपमहानगरपालिकाके पहलमे सञ्चालन करल उ कार्यक्रम अन्तर्गत विद्यालय क्षेत्रहे हरियाली, स्वच्छ तथा वातावरणमैत्री बनैना उद्देश्य राखल बा । लगाइल बिरुवाके संरक्षणके लाग ट्रीगार्डके व्यवस्था करल जनाइल बा ।

यी कार्यक्रमसे विद्यार्थी तथा स्थानीय समुदायमे वातावरण संरक्षणप्रति चेतना अभिवृद्धि कैनाके साथे विद्यालय परिसरके सौन्दर्य अभिवृद्धिमे टेवा पुग्न अपेक्षा करल बा ।

किड्स कप २०२६ के उपाधि लिटिल एन्जल्स स्कूलहे सुदूरपश्चिममे फेनसे बजेट 'होलिडे'

पहुरा समाचारदाता

काठमाण्डौ, २ सावन । लिटिल एन्जल्स स्कूलसे रोमाञ्चक फाइनल खेलमे काष्ठमण्डप विद्यालयहे ३-२ गोल अन्तरसे पराजित करटी पहिल संस्करणके आईविबी किड्स कप २०२६ के उपाधि जितले बा । फाइनल खेल अटवार, १२ जुलाई २०२६ मे सम्पन्न हुइल रहे ।

आईविबी नेपालके आयोजनामे सम्पन्न उ प्रतियोगिता १० वर्षटरेक बाल फुटबल खेलाडीहुकनहे समेटके आयोजना करल अन्तरविद्यालय फुटबल प्रतियोगिता हो ।

फिफा विश्वकपके अवधारणासे प्रेरित प्रतियोगितामे ज्ञानोदय बालबाटिका स्कूल, डीएभी स्कूल, दरबार हाई स्कूल, प्राइम ग्लोबल स्कूल, काष्ठमण्डप विद्यालय, लिटिल एन्जल्स स्कूल ओ क्याम्पियन स्कूलगायत आठ विद्यालयसे आठ फरक देशके प्रतिनिधित्व करटी प्रतिस्पर्धा करल रहित ।

यी अवधारणासे बाल खेलाडीहुकनहे प्रतिस्पर्धा, टिमवर्क, खेल भावना ओ उत्साहसे भरल छोट विश्वकपके अनुभव प्रदान करल रहे । लिटिल एन्जल्स स्कूल ओ काष्ठमण्डप विद्यालयबीच हुइल फाइनल खेल अत्यन्त प्रतिस्पर्धात्मक ओ रोमाञ्चक बनल रहे ।

लिटिल एन्जल्स स्कूलसे ३-२ के जित निकरटी आईविबी किड्स कप २०२६ के उपाधि उचालल कलेसे काष्ठमण्डप विद्यालय प्रथम उपविजेता बनल ।



समापन समारोहमे व्यक्तिगत रूपमे उत्कृष्ट प्रदर्शन कैना खेलाडीहुकनहे समेत सम्मान करल रहे । लिटिल एन्जल्स स्कूलके आशुतोष पाण्डे प्रतियोगिताके सर्वोत्कृष्ट खेलाडी (एमभीपी) घोषित हुइल कलेसे काष्ठमण्डप विद्यालयके सम्राट विक्रम शाह उत्कृष्ट गोलरक्षकके उपाधि प्राप्त करलै ।

समापन समारोहके सम्माननीय अतिथि नेपाल खेलकुद पत्रकार मञ्चके अध्यक्ष निरञ्जन अधिकारीसे विजेता टोलीहे ट्रफी प्रदान करल रहित ।

ओस्टेक करके, नेपाल खेलकुद पत्रकार मञ्चके प्रथम उपाध्यक्ष प्रज्वल ओली प्रतियोगिताके उत्कृष्ट खेलाडीहुकनहे व्यक्तिगत पुरस्कार प्रदान करल रहित ।

उहाँ सर्वोत्कृष्ट खेलाडी (एमभीपी) तथा उत्कृष्ट गोलरक्षकके ट्रफी विजेताहे हस्तान्तरण करलै ।

समापन समारोहहे सम्बोधन

करटी निरञ्जन अधिकारी यी पहलके प्रशंसा करटी बालबालिका तथा ग्रासरूट खेलकुदमे लगानीके महत्त्वउपर प्रकाश परलै ।

“हमार देशके लाग यैसिन कार्यक्रम आवश्यक रहे । यी हमार भविष्यके तयारी हो । यैसिन उत्कृष्ट कार्यक्रम आयोजना करलमे मै आईविबी नेपालहे धन्यवाद डेहे चाहटु,” उहाँ कहलै ।

उहाँ प्रतियोगितामे सहभागी सक्कु आठ टोलीके प्रदर्शनके समेत प्रशंसा करटी खेलाडीहुके प्रतियोगिताभर डेखाइल उत्साह, प्रतिभा ओ प्रतिस्पर्धात्मक भावनाके सराहना करलै ।

आईविबी किड्स कप २०२६ के औपचारिक सुरुवात ९ जुलाई २०२६ मे हुइल रहे । उदघाटन समारोहमे प्रख्यात हवाई उडयनकर्मी तथा सेलिब्रिटी क्याप्टेन विजय लामा प्रमुख अतिथिके

रूपमे सहभागी हुइल रहित ।

उदघाटन समारोहमे युवा खेलाडीहुकनहे सम्बोधन करटी क्याप्टेन विजय लामा ओइनके उत्साह ओ खेल भावनाके प्रशंसा करल रहित ।

“यी एक अद्भुत कार्यक्रम हो । यी प्रतिभाशाली बालबालिकासे डेखाइल खेल भावना देखके मै अत्यन्त प्रभावित हुइल बटु । ओइने हमार भविष्य हुइत ओ एक दिन ओइने फिफा विश्वकपमे खेल्ती रहल हेरे पैना आशा करटी,” उहाँ कहलै ।

आईविबी किड्स कप २०२६ के सफल समापनसे बालबालिका, विद्यालय, परिवार ओ समुदायसंग आईविबी नेपालके सहकार्य ओ संलग्नतामे एक ठो महत्त्वपूर्ण उपलब्धी थपल बा ।

विजेता निर्धारण कैना केल्ह प्रतियोगिताके उद्देश्य नैरहे, यी युवा खेलाडीहुकनहे प्रतिस्पर्धा कैना, मिता निर्माण कैना, आत्मविश्वास विकास कैना तथा टिमवर्क ओ निष्पक्ष खेलके मूल्यहुके अनुभव कैना महत्त्वपूर्ण मञ्च प्रदान करल रहे ।

“लैडिगक समानताके लाग समान सोच ओ व्यवहारः समृद्धिके आधार”

पहुरा समाचारदाता

धनगढी, २ सावन । सुदूरपश्चिम प्रदेशमे फेनसे बजेट शून्यता (होलिडे) मे पुगल बा ।

आर्थिक वर्ष २०८३/८४ के लाग असार १ गते आर्थिक मामिला मन्त्री विक्रमसिंह धामीसे प्रस्तुत करल बजेट अन्तः असार मसान्तसम पारित हुइ नैसेकल । अपनहे लानल बजेट सरकारसे पारित करे नैसेकलपाछे सावन १ गतेसे प्रदेश सरकारसँग खर्च कैना कानुनी आधार समाप्त हुइल बा ।

सत्ताछद्द दल नेकपा एमालेसे बजेट प्रस्तुत हुइटी किल बजेटप्रति असन्तुष्टि व्यक्त कैटी पुनर्लेखनके माग करल रहे । एमालेसँगके सहकार्यके डगरा बन्द हुइटी गैलपाछे मुख्यमन्त्री कमलबहादुर शाह एमालेके चार मन्त्रीहे हटाइल रहित ।

एमाले फेन उहे दिन समर्थन फिता लेहलपाछे सरकार अल्पमतमे परल हो । एमालेके समर्थन फितापाछे अल्पमतमे परल सरकारसे बजेट पास कराइक लाग नेपाली कम्युनिष्ट पार्टी (नेकपा) के साथ नैखोजल नैहो, मने नेकपासे फेन अब्बके बजेट यथास्थितिमे पारित करे नैसेकजैना बटाइलपाछे सरकारसे समयमे बजेट पारित कराइ नैसेकल ।

बजेटसम्बन्धी विधेयक पारित हुइ नैसेकलपाछे सरकारसे शुखसे कौनो फेन शीर्षकमे खर्च करे पैना नैहो । यद्यपि सामयिक राजस्व संकलन ऐन, २०८१ अनुसार राजस्व संकलन ओ नियमित सेवा प्रवाह भर जारी रहना बा ।

बजेट फेल हुइना निश्चित हुइलपाछे सरकारसे बजेट पारितके प्रयास नैकैके प्रदेशहे बजेट शून्यतामे पुगाइल नेकपा

एमालेके आरोप रहल बा । 'सरकारके अकर्मण्यताके कारण बजेट फेल हुइल बा । बजेट शून्यतामे लागके सरकार असफल होसेकल बा । आम नागरिकहे पर्ना समस्याके जिम्मेवार सरकार हो,' एमाले संसदीय दलके नेता राजेन्द्रसिंह रावल कहलै, 'बजेट फेल होके सरकार फेल होसेकल बा । आब मुख्यमन्त्री मार्गप्रशस्त करे परल ।' प्रमुख प्रतिपक्ष नेकपाके संसदीय दलके नेता खगराज भट्ट फेन साभ्ना समस्या समाधानके लाग सरकारसे औपचारिक पहल नैहुइल बटैलै ।

'उहाँहुकनके लानल बजेट उहाँ ओइनके आन्तरिक विवादके कारण रुकल,' भट्ट कहलै, 'पेस्की खर्चजैसिन विषयमे सहकार्य कैना हप्ते तयार रही । मने बिफेक रोज सकारे छलफलमे फेन उहाँहुके पुराने बजेट पारित कैडेना आग्रह करलै, जौन सम्भव नैरहे । हप्ते उ बजेट सुरुसे नै बेथितिपूर्ण कहल रही ।'

सरकारके बहुमतके लाग २७ सांसद आवश्यक परी । कांग्रेससँग १८ ओ एमालेसँग ११ सांसद रहल बटै । गठबन्धन भट्कलपाछे सरकारसँग बजेट पारित करैना आवश्यक बहुमत फेन नैहो ।

अइसीन बेला अध्यादेशमार्फत पेस्की बजेट लानके सरकारसे चालुओरके खर्च कैना वातावरण सिर्जना करे सेवना विकल्प हुइटी हुइटी फेन नैकैके खर्च कैना डगरा नै बन्द हुइल बा । बजेट फेल हुइना निश्चित हुइलपाछे बजेट शून्यता पहिलचो भर नैहो ।

इहीसे आघे फेन आर्थिक बरस २०८१/८२ के बजेट समयमे पारित हुइ नैसेकके प्रदेशले करिब तीन महिना बजेट शून्यताके अवस्था बेहोरल रहे ।

कृषि उत्पादनमा आत्मनिर्भर बनौं

- ❖ आधुनिक प्रविधिको प्रयोग गरी कृषि उत्पादन वृद्धि गरौं,
- ❖ कृषकलाई आवश्यक मल, वीउ समयमै उपलब्ध गराऔं,
- ❖ स्थानीय उत्पादनलाई बजारसम्म पुऱ्याउन बजार संयन्त्रको विकास गरौं,
- ❖ कृषकलाई सीप, तालिम र सहूलियतपूर्ण ऋण उपलब्ध गराऔं,
- ❖ जमिनको संरक्षण गरौं, खेतीयोग्य भूमिको सदुपयोग गरौं,
- ❖ कृषि उत्पादन बढाऔं र कृषि उपजमा आत्मनिर्भर बनौं,
- ❖ नवीन प्रविधि र अवसर उपलब्ध गराई युवाहरूलाई कृषिमा आकर्षित गरौं ।

कृषि पेशा प्रति सम्मान र गौरव गरौं ।



विपद् जोखिम न्यूनीकरणको पूर्वतयारी गरौं

- ❖ वर्षाको समयमा बाढी पहिरो तथा चट्याङ्गको जोखिम हुन सक्छ,
- ❖ सम्भावित जोखिमको मूल्यांकन गरौं, सचेत बनौं,
- ❖ जोखिमयुक्त स्थानमा नबसौं, सुरक्षित स्थानमा बसौं,
- ❖ नदि किनारा वा भिरालो जमिनमा बसोबास भएकाहरु विशेष सतर्क रहौं,
- ❖ सम्भावित जोखिमबाट बच्न आपतकालीन पूर्वयोजना बनाऔं,
- ❖ घर परिवार र छिमेकीहरूसँग मिलेर सुरक्षित स्थानको पहिचान गरौं,
- ❖ सम्पर्क बिन्दुहरु तय गरौं, सूचना प्रणालीमा आवद्ध होऔं,
- ❖ खाद्यान्न, पानी, प्राथमिक उपचार सामग्री, टर्चलाइट र आवश्यक औषधि आदि तयारी अवस्थामा राखौं,
- ❖ प्रकोप व्यवस्थापन तालिम तथा अभ्यासमा सहभागी बनौं,
- ❖ बालबालिका, वृद्धवृद्धा र अपाङ्गता भएका व्यक्तिको सुरक्षामा ध्यान दिऔं ।



कैलारी गाउँपालिका
गाउँ कार्यपालिकाको कार्यालय
कैलाली

विपद् जोखिम न्यूनीकरणको पूर्वतयारी गरौं

- ❖ वर्षाको समयमा बाढी पहिरो तथा चट्याङ्गको जोखिम हुन सक्छ,
- ❖ सम्भावित जोखिमको मूल्यांकन गरौं, सचेत बनौं,
- ❖ जोखिमयुक्त स्थानमा नबसौं, सुरक्षित स्थानमा बसौं,
- ❖ नदि किनारा वा भिरालो जमिनमा बसोबास भएकाहरु विशेष सतर्क रहौं,
- ❖ सम्भावित जोखिमबाट बच्न आपतकालीन पूर्वयोजना बनाऔं,
- ❖ घर परिवार र छिमेकीहरूसँग मिलेर सुरक्षित स्थानको पहिचान गरौं,
- ❖ सम्पर्क बिन्दुहरु तय गरौं, सूचना प्रणालीमा आवद्ध होऔं,
- ❖ खाद्यान्न, पानी, प्राथमिक उपचार सामग्री, टर्चलाइट र आवश्यक औषधि आदि तयारी अवस्थामा राखौं,
- ❖ प्रकोप व्यवस्थापन तालिम तथा अभ्यासमा सहभागी बनौं,
- ❖ बालबालिका, वृद्धवृद्धा र अपाङ्गता भएका व्यक्तिको सुरक्षामा ध्यान दिऔं ।



भजनी नगरपालिका
४ नम्बरको कार्यालय
खैलाड, कैलाली

सुवर्ण अवसर ! सुवर्ण अवसर !! सुवर्ण अवसर !!!

कैलाली अस्पताल प्रा.लि
Provide Health Related Services

सेवाहरु:

- ❑ मधुमेह(सुगर)
- ❑ थाइराइड रोग
- ❑ पेट,मुटु तथा छातिरोग
- ❑ कलेजो रोग
- ❑ TB, हेपाटाइटिस रोग
- ❑ ब्लडप्रेसर तथा हृदयरोग
- ❑ मोटोपना

डा. अकाश राउत
MBBS, MD (TJ), Internal Medicine
Senior Consultant Physician
NMC NO. 20304
➤ आउने समय : प्रत्येक दिन (२४सै घण्टा)

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हावा सेवाहरु : १) २४ घण्टा ईमर्जेन्सी सेवा, फार्मेसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकुलीन एम्बुलेन्स, वातानुकुलीन क्याविन । २) स्त्री रोग तथा प्रसूती सम्बन्धी सेवा (बॉन्डोपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेसन, गर्भवती तथा सुत्केरी सेवा) । ३) ल्याप्रोस्कोपी तथा जनरल सर्जरी (हाइड्रोसिल, हर्निया, पायल्स, फिस्टुला, स्तनमा गाँठागुठी आउने, शरिरका विभिन्न भागमा गाँठागुठी, घाउ खटिरा, पत्थरी, किडनीको पत्थरी, प्रोस्टेटको अप्रेसन तथा पित्तथैलीको पत्थरी अप्रेसन) । ४) हाड(जोर्नी तथा नशा सम्बन्धी सेवा (हाटखुट्टा बाङ्गे, फ्याक्चर, हाडजोर्नीको दुखाई, कम्मर दुख्ने तथा अत्याधुनिक मेसिनबाट हड्डीको अप्रेसन)छाती, मुटु, कलेजो तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) मुर्छा पनुं, टाउको दुख्ने जस्ता समस्याहरु, प्यारालाइसिस हातखुट्टा नचल्ने सम्बन्धी सेवा । ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमाउने, छारे रोग । १०) आगोले पोलेको हातखुट्टा बाङ्गिएको र खुँडेको अप्रेसन आदि सेवा ।



कैलाली अस्पताल प्रा.लि

जिल्ला प्रशासन कार्यालय अगाडि, पशुपति टोल, धनगढी, कैलाली

फोन नं. ०९१-५२४५५५, ५२४६५४, ५२९२४९